

sed à feris consumuntur, maximè si fuerint infortunæ cum stellis imaginum ferarum rapacium, uolatilium prædantium nec fortunarum aliqua testificetur, sed sub terra existant. Si autem fortunæ testificatæ fuerint, sepelietur, & cooperietur terra. Similiter quando domini locorum interficientium fuerint in locis inclinatis, hoc est in locis itinerum, & ijs quæ aspiciunt ea quadrato, uel opposito, id est in quatuor locis cadentibus, morietur exterris patria, & amicis suis. Si uero extra hæc loca fuerint, inter propinquos, & in terra sua morietur. Hæc Ptolemæus.

### Aliorum sententiæ & aphorismi.

Pro morte considera

- Octauam domum.
- Dominum eius.
- Partem mortis.
- Dominum eius.
- Almuten significatorum mortis.
- Primum dominum triplicitatis octauæ domus.



**I**NFORTUNA impedita in gradu octauæ domus, non in domicilio, uel exaltatione sua, nec alicui fortunæ iuncta per corpus uel aspectum, significat malam mortem. Malicia tamen remittetur, si infortunium uel impedimentum infortunæ fuerit remissum.

Infortuna in octaua existens, si à fortuna recipitur, quæ sit domina ascendentis, significat quòd natus erit occasio suæ mortis. Si dicta infortuna fuerit aspecta à planeta forti, & benefico, qui non fuerit dominus ascendentis, remittetur mala dispositio mortis. Si autem dictus recipiens fuerit dominus ascendentis, maximè si infortunatus fuerit, natus erit causa suæ interfectionis mala, & uituperabili morte.

Infortuali fuerit in gradu octauæ domus retrograda, & fuerit dictus gradus octauæ domus eius domicilium uel exaltatio, fueritq; dominus ascendentis, luminare conditionarium, infortunatum, & applicet dictæ infortunæ quadrato, uel opposito, significat malam & turpem mortem.

Fortuna fortis in gradu octauæ domus corporaliter, uel si ex medietate orbis sui gradum octauæ domus beneuolè aspexerit, etiam si debilis fuerit influxus talis fortunæ, attamen remouet malam mortem. Si autem talis fortuna remota fuerit à gradu cuspidis ultra medietatem sui orbis, non remouet.

Fortuna si fuerit dominus domus, uel exaltationis octauæ domus non infortunata, bonam significat mortem.

Si fuerit gradus octauæ domus per corpus, uel radios fortunæ fortunatus, non potest finire uitam mala morte natus, etiam si Almuten mortis esset infortunatus. Sed stante mala dispositione Almuten mortis, poterit gradus octauæ domus infortunari per aspectus malos infortunarum, & sic poterit in fluxus fortunæ ibi existentis remitti, ita quòd dubium erit de bona morte.

Infortuna non in ipso gradu octauæ domus, sed irradians eum gradum per medietatem sui orbis accedendo ad eum per motum diurnum, malam significat mortem.

Planeta in ipso gradu octauæ domus per corpus, aut per dimidium orbis sui luminis, præponitur ipsi Almuten mortis.

Si neq; fortuna neq; infortuna in gradu octauæ domus fueris reperta. Vide tunc si Mars habuerit dignitatem in domo mortis, per domum uel exaltationem, & fuerit peregrinus, uel male dispositus in duodecima domo, & dominus ascendentis peregrinus, iunctus corporaliter Saturno, deinde uadens ad coniunctionem corporalem